

Orokieta Herri ikastetxeari (S4833001C) dirulaguntza izendunaren eskaera egin dio Udalarari (sarrera zk.2025-9623). Orokieta herri ikastetxearen eskola kiroleko jardunak herri-intereseko arrazoiak baditu dirulaguntza izenduna emateko.

Horrenbestez, 2025. urteko udal-aurrekontuetan, diru-partida izendun bat aurreikusi zen Orokieta Herri ikastetxeari diruz laguntzeko. Beraz, dirulaguntza hau zuzenean emango da, dekretu bidez.

Kirol Departamentuak proposatuta, honako hau **ERABAKITZEN DUT**:

Lehena.- Honako gastu hau onartzea:

Ekitaldia	Aurrekontu-aplikazioa	Zenbatekoa
2025	Dirulaguntza- Orokieta Herri ikastetxea 1 1401.471.04.341.02 2025 (6043)	8.527,70 euro

Bigarrena.- Azaroaren 17ko 38/2003 Legearen 22.2a artikuluari jarraikiz, Orokieta Herri ikastetxeari 2024-2025 ikasturteko eskola kirolagatik gehienez 8.527,70 euro dirulaguntza izenduna ematea 2025. urtean.

Emakidaren ebazpen hau alda daiteke baldin dirulaguntza emateko kontuan hartutako baldintzak aldatzen badira eta dena den, beste administrazio edo erakunde publiko edo pribatu batzuetatik laguntza edo dirulaguntza gehiago lortu badira edota helburu bererako beste edozein diru-sarrera edo baliabide badaude (ikus ZARAUZKO UDALEKO DIRULAGUNTZEN ORDENANTZA OROKOR ARAUTZAILEA, 10. art.)

Hirugarrena.- Orokieta Herri ikastetxeak (S4833001C) dagokion dirulaguntzaren justifikazio ekonomikoa osatzean (2026ko urtarrilaren 31 arteko epean), 8.527,70 euro ordaintzea horretarako Udalak izendatutako *Diru laguntza: Orokieta Herri ikastetxea 1 1401.471.04.341.02 2025 (6043)* partidatik.

Laugarrena.- Eskatutako informazioa DIRULAGUNTZEN DATU-BASE NAZIONALEAN (BDNS) erregistratzea, hark emandako bitarteko elektronikoen bidez, kontzesioaren testuarekin, haren laburpenarekin eta datu egituratuekin batera.

Bosgarrena.- Puntu hauek arautu dute dirulaguntza:

1.- Xedea

Euskadiko jarduera fisikoaren eta kirolaren 2/2023 LEGEA, martxoaren 30ekoa eta Eskola kirolari buruzko 2008ko uztailaren 1eko 125/2008 dekretuari jarraituz; Foru organoekin eta Udalarekin lankidetzan eskola adineko jarduera fisikoko eta kiroleko programak kudeatzea eta gauzatzea ikastetxetik Zarauzko udalerrian, gainerako ikastetxeekin koordinatuz.

Euskadiko jarduera fisikoaren eta kirolaren 2/2023 LEGEak VII. tituluko I. Kapituluan garatzen du Eskola adineko jarduera fisikoa eta kirola: kontzeptua (72. Artikulua), funtzioak eta ezaugarriak (73. Artikulua), oinarri eta printzipio orokorrak (74. Artikulua), kiroleko programak eta jarduerak (75. Artikulua), egituraketa (76. Artikulua). Azken honetan zehazten da besteak beste: *“Eskola adineko jarduera fisikoaren eta kirolaren antolaketa ikastetxeen bitartez egituratuko da nagusiki, eskola-adineko jarduera fisikoaren eta kirolaren oinarritzko egitura izango baitira.”* (...) Eta bestetik, *“Udalerriak, beren eskumenen esparruan, ikastetxe eta lurralde historikoetako foru-organoekin lankidetzan arituko dira eskola-adineko jarduera fisikoko eta kiroleko programak gauzatzeko”* (...) *“... programak toki-mailan egituratuko dituzte, hori guztia foru-organoekin adostutako baldintzetan”*.

Euskadiko jarduera fisikoaren eta kirolaren 2/2023 LEGEaren 12.artikuluak hezkuntza-arloko neurriak garatzen ditu eta bertan zehazten da *“eskola-adineko jarduera fisikoko eta kiroleko jardueren programa ikastetxe bakoitzak urtero onartzen duen planean jasoko da”*.

Zarauzko Udala libre geratuko da diruz lagundutako jardueretatik sortutako erantzukizun zibiletatik eta merkataritzako, laneko edo edozein motatako erantzukizunetatik.

2.- Ikastetxearen betebeharrak

2.1 Xedean aipatu den markoaren baitan eskola adineko eskola kiroleko ikasturteko programa-jarduerak ikastetxean aurrera eramatea, horretarako beharrezkoak diren egitura eta baliabideak jarrita.

2.2 Dirulaguntza ematen duen organoari edo, hala badagokio, entitate laguntzaileari justifikatzea betekizunak eta baldintzak bete direla, jarduera egin eta dirulaguntzaren helburua bete dela.

2.3 Parekidetasun alorreko betebeharrak. Horretarako arlo honi dagozkion justifikazio agiriak.

- Uztailaren 28ko 26/2015 Lege Organikoan jarritakoaren arabera, sexu-delituengatik zigor administratibo, laboral edo penalik jaso ez duen pertsona fisiko nahiz juridikoa izatea.
- Emakume eta Gizonen Benetako Berdintasunari buruzko martxoaren 22ko 3/2007 Lege Organikoan eta Emakume eta Gizonen Berdintasunerako 4/2005 Legean ezarritako betekizunak betetzen dituzten pertsona fisiko nahiz juridikoa izatea.
- Helburuetan, sarbide-sisteman, funtzionamenduan, ibilbidean, jardueran, antolaketan edo estatutuetan emakume eta gizonen arteko berdintasunaren printzipioa betetzen duen eta sexuaren, ideologiaren, jaioterriaren, nazionalitatearen edo sexu-joeraren ziozko diskriminaziorik egiten ez duen pertsona fisiko nahiz juridikoa izatea (Emakumeen eta Gizonen Berdintasunerako Zarauzko Udal Ordenantzaren 38. artikulua).

2.4 Euskararen alorreko betebeharrak. Haurrentzat antolatutako jarduera izanik eskola adineko kirola, euskaraz burutu da. Euskararen erabilera bermatu da.

2.5 Beste betebeharrak batzuk

- Dirulaguntzei buruzko azaroaren 17ko 38/2003 Legearen 13. artikuluan zerrendatutako egoeretan ez egotea.
- Dirulaguntzen emakida eragin duen helburua bete, proiektua gauzatu, jarduera egin edo portaera izatea.
- Diruz lagundutako jarduera egiteko eta bere zehaztapenak betetzeko behar diren baimen guztiak lortzea.
- Organo emaileak egin beharreko egiaztapen-jarduerak onartzea eta horietan laguntzea – indarrean dagoen legeriaren arabera –, bai eta kontrol-organoek egiten dituzten beste edozein egiaztapen-eta kontrol-jarduera ere; eta jarduera horiek gauzatzean eskatzen zaion informazio guztia ematea.
- Zerga-betebeharrak eta Gizarte Segurantzarenak beteta eta egunean dituela egiaztatzea. Zarauzko Udalak zuzenean egiaztatuko du ea interesdunak betetzen dituen Gizarte Segurantzaren eta Foru Ogasunaren zerga-betebeharrak. Interesdunak egiaztatze horren aurka egin dezake; kasu horretan, eskatutako ziurtagiriak aurkeztu beharko ditu.
- Kontabilitate-liburuak, erregistro izapidetuak eta behar bezala ikuskatutako gainerako dokumentuak edukitzea, kasu bakoitzean onuradunari aplikatzekoa den merkataritzako eta sektoreko legeriak eskatutako baldintzetan.
- Jasotako funtsak zertan erabili diren justifikatzen duten agiriak gordetzea (agiri elektronikoak barne), egiaztapen-eta kontrol-jardueren xede izan baitaitezke, lau urtez.
- Organo emaileari jakinaraztea, hala badagokio, diruz lagundutako jarduera finantziatzeko beste dirulaguntza, laguntza, diru-sarrera edo baliabide batzuk lortu dituela, beste administrazio edo entitate nazional edo nazioarteko publiko edo pribatuetatik.
- Dirulaguntza emateko orduan kontuan hartutako edozein gorabehera objektibo zein subjektiboren aldaketa jakinaraztea.
- Jasotako funtsak itzultzea, ZARAUZKO UDALEKO DIRULAGUNTZEN ORDENANTZA OROKOR ARAUTZAILEAN aurreikusitako kasuetan.
- Jardueran aritzean pertsonaren funtsezko eskubideekiko behar den errespetua erakutsiko da, eta indarrean diren legeak errespetatuko dira.
- Zerbitzuaren ondorioz hirugarrenei eragindako kalteak ordaintzea. Horretarako, erantzukizun zibileko poliza bat izan beharko du.

Betebeharrak diruz lagundutako jarduerak egiten dituen epealdi osoan bete beharko dira, eta horiek ez betetzeak dirulaguntza galtzea eragin dezake.

3.- Diruz lagundu daitezkeen gastuak

Xedean definitutako jarduerak antolatzeko eta burutzeko gastuak lagunduko dira diruz, eta horiek ZARAUZKO UDALEKO DIRULAGUNTZEN ORDENANTZA OROKOR ARAUTZAILEAREN 6. artikuluan zehaztutakoaren arabera egin beharko dira. Beste edozein gastu, Kirol Departamentuaren idatzizko baimenarekin.

4.- Organo eskuduna(k)

Alkatetzak izango du dirulaguntza hau emateko eskumena. Kirol departamentua izango da dirulaguntzaren organo kudeatzailea.

5.- Bateragarritasuna beste dirulaguntza batzuekin

Dirulaguntza hau bateragarria da onuradunak lortzen dituen beste laguntza batzuekin. Hori bai, dirulaguntza honek —bakarrik edo beste dirulaguntza, laguntza, sarrera, eta errekurtoekin batera— ezin izango du inola ere gainditu erakunde onuradunak egin beharreko jardueraren kostua.

6.- Justifikazioa aurkezteko epea eta modua

Dirulaguntzaren erabileraren justifikazioa aurkezteko azken eguna: 2026ko urtarrilaren 31.

7.- Dirulaguntzaren erabileraren justifikazioa

Dirulaguntzaren erabilera justifikatzeko, Udalean telematikoki erregistratu behar da honako dokumentazio honekin:

- 01 Dirulaguntzaren eskaera orria
- 02 Erantzukizunpeko adierazpena eta baimena ematea
- 03 III hizkuntza ofizialaren erabilera erreala inprimakia
- 04 Adierazpena-Sektore publikoaren dirulaguntzei aplikatu beharrekoa, haurrak eta nerabeak indarkeriatik erabat babesteari buruzko ekainaren 4ko 8/2021 Lege Organikoan ezarritako betebeharrei buruzkoa
- 05 Eskola kiroleko ikasturteko jardueren memoria
- 06 Diruz lagundutako jardueren gastuen eta diru-sarreraren balantzea kontu-zurigarriaren ereduari, entitateko idazkariak sinatuta eta dagokion zigiluarekin.
- 07 Aurreko paragrafoan aipatutako zerrendako gastuaren frogagiriak, edo pareko froga-balioa edo administrazio-eraginkortasuna duten dokumentuak, dirulaguntza publikoaren xedea bete dela ziurtatu ahal izateko. Dagozkion transferentzien agiriak edo dirulaguntza kobratuko den kontu-korronte/euskarriko mugimendu guztien xehetasuna aurkeztuko da (hain zuzen ere, diruz lagundutako epealdikoa).

8.- Publizitatea

Dirulaguntza honen xede diren jarduera edo ekintzetan Zarauzko Udalaren irudi instituzionalaren eta finantziario publikoaren publizitatea egitea dagokio ikastetxeari.

9.- Itzulera-kausak

Hauek izango dira dirulaguntza itzularazteko arrazoiak:

- Dirulaguntza akordio honetan jarritako xederako ez erabiltzea.
- Elkarre onuraduna desegitea.
- Akordio honetan jarritako baldintzak ez betetzea.

ZARAUZKO UDALEKO DIRULAGUNTZEN ORDENANTZA OROKOR ARAUTZAILEAREN 24. eta 25. artikuluetan aurreikusitako prozedura jarraituko da dirulaguntzaren itzulera eskatzeko.

10.- Araudia

Akordio honetan aurreikusi ez den orotan arau hauek aplikatuko dira: Dirulaguntzen azaroaren 17ko 38/2003 Lege Orokorra (azaroaren 18ko BOE); horren garapenerako erregelamendua, uztailaren 21eko 887/2006 Errege Dekretuaren bidez onartutakoa (uztailaren 25eko BOE); eta Zarauzko Udalean indarrean dagoen ordenantza orokorra.

Hartutako erabakiek administrazio-bidea amaituko dute.

Jarduneko Alkatea



ZARAUZKO UDALA